

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Epistolarvm [epistolarum] D. Philippi Melanchthonis Farrago

Melanchthon, Philipp

Basileae, 1565

VD16 -M3220

Epistola ad amicum quendam, euius status est:inter caetera officia principum esse, arcere a subditis suis uim priuatan & publicam

[urn:nbn:de:bsz:31-312770](https://nbn-resolving.org/urn:nbn:de:bsz:31-312770)

Epistola ad amicum quendam, cuius status est: inter cætera officia Principum esse, arcere à subditis suis uim priuatam & publicam.

Sicut licita est defensio contra parem inferentem iniustum bellum in aliqua civili causa: sic est licita defensio contra inferentem iniustum bellum, & stabilientem impias religiones. Quia sicut innocentes in alijs causis, ut aduersus latrones: sic & in religione aduersus latrones defendendi sum. Hoc docet ius naturæ, & ius diuinum ad Rom. 13. Eadem est ratio contra superiores in iniuria notoria. Si pater filium uelit occidere, iuste conceditur filio defensio, ut iura expressè docēt. Imò princeps mandato diuino debet defendere subditos in talibus casibus, etiam contra superiorem: & omnes subditi principis eum adiuuare debent. ut si sub Turci imperio aliquis Christianus princeps esset, si Turca ei inferret bellum, nec uellet pacem facere, nisi princeps ille à religione deficeret: princeps mandato diuino debet armis tueri subditos, quantum potest. Sed quòd dicitur, Christiani non debent uti uindicta: hoc dictum non tollit ius potestatis, quòd Deus ordinauit: sed prohibet Christianis priuatis pretextu religionis inferre alijs bella: sicut Anabaptistæ inferebāt. Item quòd dicitur,

dicitur, subditis non licere ut resistent superiori-
bus: hoc dictum habet locum, sicut in alijs causis
ciuilibus, quando superior non infert iniurias no-
torias. Sed si superior rapturus esset ciuis alicuius
filiam, ciuis posset in continente defendere suam
filiam, & interficere superiorem. Quia hæ senten-
tiæ non tollunt ius naturæ. Et regula tenenda est,
Quod Euangelium non tollit magistratum & ius
naturæ. Hac de re scribam aliàs copiosius. Bene
uale. pro munere ago gratias. 1546.

Dehortatio de solitudine fugienda.

D. M. L.

Plura & grauiora peccata committuntur in so-
litudine, quàm in societate hominum. Euam in pa-
radiso decepit serpens solitariam: homicidia, la-
trocinia & furta committuntur in solitudine: lo-
cus & occasio datur satanæ. Deinde autem in fre-
quentia uel societate hominum pudet committere
flagitium. Christus promisit se affuturum esse me-
dium, ubi duo uel tres in nomine suo cõgregati fue-
rint. Diabolus temptauit Christum in solitudine. Da-
uid lapsus est in homicidium & adulterium, tum
cum erat solus & ociosus. Et ego expertus sum,
nunquam sepius incidere me in peccatum, quàm
solitarie uiuens. Deus creauit hominem ad societa-
tem,